

**/մաքսային կանոնների խախտման վերաբերյալ
գործի վարույթը կարճելու մասին/**

«20» օգոստոսի 2020թ.

ք. Երևան

Հայաստանի Հանրապետության պետական եկամուտների կոմիտեի Արարատյան մաքսատուն-վարչության պետ Կարեն Բաբայանս, քննելով Անահիդ Քեշիշյանի (անձնագիր՝ AT0505844, հասցե՝ ԱՄՆ) նկատմամբ հարուցված մաքսային կանոնների խախտման վերաբերյալ գործը,

Պ Ա Ր Զ Ե Ց Ի

Անահիդ Քեշիշյանի անունով թիվ 05100022/180320/0005318 տարանցման հայտարարագրով Բավրայի մաքսային կետ-բաժնով ՀՀ տարածք է ներմուծվել 1,577 կգ ընդհանուր քաշով բեռ՝ նախկինում օգտագործված անձնական օգտագործման ապրանքներ, որոնք 21.03.2020 թվականին հանձնվել են մաքսային մարմինների ժամանակավոր պահպանությանը, սակայն մինչ ժամանակավոր պահպանության ժամկետի ավարտը, այն է՝ 18.07.2020 թվականը, նշված ապրանքների վերաբերյալ մաքսային հայտարարագիրը մաքսային մարմինն չի ներկայացվել:

ՀՀ ՊԵԿ Արարատյան մաքսատուն-վարչության բացթողնման բաժնի գլխավոր մաքսային տեսուչի կողմից 23.07.2020 թվականին Անահիդ Քեշիշյանի նկատմամբ կազմվել է մաքսային կանոնների խախտման վերաբերյալ արձանագրություն՝ ՀՀ մաքսային օրենսգրքի 194-րդ հոդվածի հատկանիշներով: Մաքսային կանոնների խախտման վերաբերյալ գործի քննությունը նշանակվել է 20.08.2020 թվականին ժամը 09:30-ին:

Անահիդ Քեշիշյանը ՀՀ պետական եկամուտների կոմիտե է դիմել 10.06.2020թ. և 29.06.2020թ. դիմումներով՝ ՀՀ ներմուծված իրերի նկատմամբ մշտական բնակության ժամանող ֆիզիկական անձանց համար նախատեսված մաքսային վճարների արտոնության տրամադրման խնդրանքով: Միաժամանակ Անահիդ Քեշիշյանին ՀՀ ոստիկանության անձնագրային և վիզաների վարչության 08.07.2020թ.-ի թիվ 19/8/27697-20 (ՊԵԿ մուտք՝ 08.07.2020թ. թիվ 34120-2020) գրությամբ տրվել է առ 08.07.2020թ.-ի օտարերկրյա ֆիզիկական անձի ՀՀ մշտական բնակության տեղափոխման փաստի ճանաչման վերաբերյալ տեղեկանք և նույն օրը՝ 08.07.2020թ., ՀՀ ՊԵԿ թիվ 05/8-6/43925-2020 գրությամբ (կցվում է) տրվել է հնարավորություն՝ թիվ 05100022/180320/0005318 տ/հ-ով տեղափոխված նախկինում օգտագործված անձնական օգտագործման ապրանքները «Մաքսային կարգավորման մասին» ՀՀ օրենքի 249.1-րդ հոդվածի 1-ին մասով նախատեսված արտոնությամբ հայտարարագրելու:

ԵԱՏՄ մաքսային օրենսգրքի 101-րդ հոդվածի 1-ին մասի համաձայն՝ ապրանքների ժամանակավոր պահպանման ժամկետը հաշվարկվում է ապրանքները ժամանակավոր պահպանման հանձնելու համար ներկայացված փաստաթղթերը մաքսային մարմնի կողմից գրանցվելու օրվան հաջորդող օրվանից և կազմում է 4 ամիս՝ բացառությամբ սույն Օրենսգրքի սույն հոդվածի 2-րդ կետում և 259-րդ հոդվածում նշված դեպքերի:

Նույն օրենսգրքի 110-րդ հոդվածի 1-ին մասի համաձայն՝ միության մաքսային տարածք ներմուծվող ապրանքների մասին մաքսային հայտարարագիրը ներկայացվում է մինչև ապրանքների ժամանակավոր պահպանման ժամկետի

ԵԱՏՄ մաքսային օրենսգրքի 259-րդ հոդվածի 1-ին մասի համաձայն՝ անձնական օգտագործման ապրանքների ժամանակավոր պահպանումն իրականացվում է սույն Օրենսգրքի 16-րդ գլխով սահմանված կարգով և պայմաններով՝ հաշվի առնելով սույն հոդվածը:

ԵԱՏՄ մաքսային օրենսգրքի 259-րդ հոդվածի 2-րդ մասի համաձայն՝ անդամ պետությունում մշտական բնակություն հաստատելու, այդ անդամ պետության օրենսդրությանը համապատասխան փախստականի, հարկադիր տեղահանված անձի կարգավիճակ ստանալու մտադրություն ունեցող օտարերկրյա ֆիզիկական անձի անձնական օգտագործման ապրանքների ժամանակավոր պահպանումը կարող է իրականացվել այդ անձի մշտական կամ ժամանակավոր բնակության (գտնվելու) վայրում և (կամ) անդամ պետությունների՝ մաքսային կարգավորման վերաբերյալ օրենսդրությամբ սահմանված այլ վայրերում:

ԵԱՏՄ մաքսային օրենսգրքի 259-րդ հոդվածի 5-րդ մասի համաձայն՝ սույն հոդվածի 2-րդ կետում նշված ֆիզիկական անձի անձնական օգտագործման ապրանքները ժամանակավոր պահպանման են հանձնվում այն ժամկետով, որը հաշվարկվում է այդ ապրանքները ժամանակավոր պահպանման հանձնելու համար ներկայացված դիմումը մաքսային մարմնի կողմից գրանցելու օրվան հաջորդող օրվանից:

ՀՀ մաքսային օրենսգրքի 189-րդ հոդվածի 1-ին մասի համաձայն՝ մաքսային կանոնների խախտում է համարվում անձի կողմից կատարված անօրինական գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության մաքսային սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենսգրքով նախատեսված է պատասխանատվություն:

ՀՀ մաքսային օրենսգրքի 194-րդ հոդվածի համաձայն՝ սահմանված ժամկետում մաքսային մարմիններին ապրանքների և տրանսպորտային միջոցների վերաբերյալ մաքսային հայտարարագիր չներկայացնելը, ինչպես նաև մաքսային հսկողություն իրականացնելու համար ապրանքների և տրանսպորտային միջոցների վերաբերյալ անհրաժեշտ փաստաթղթերը չներկայացնելը՝ անկախ գրավոր հայտարարագիր ներկայացնելուց՝ առաջացնում է տուգանքի նշանակում՝ 50,000 դրամի չափով:

ՀՀ մաքսային օրենսգրքի 205-րդ հոդվածի համաձայն՝ մաքսային կանոնների խախտման վերաբերյալ գործերի վարույթը կարգավորվում է սույն գլխով և Վարչական իրավախախտումների վերաբերյալ Հայաստանի Հանրապետության օրենսգրքի սույն գլխին չհակասող մասով:

Վարչական իրավախախտումների վերաբերյալ ՀՀ օրենսգրքի 247-րդ հոդվածի 1-ին պարբերության 1-ին կետի համաձայն՝ վարչական իրավախախտման վերաբերյալ գործի վարույթը չի կարող սկսվել, իսկ սկսվածը ենթակա է կարճման հետևյալ հանգամանքների առկայության դեպքում՝ վարչական իրավախախտման դեպքի կամ կազմի բացակայությունը:

Հիմքում ունենալով վերոգրյալ իրավակարգավորումները և նկատի ունենալով, որ Անահիդ Քեշիշյանի անունով թիվ 05100022/180320/0005318 տարանցման հայտարարագրով ՀՀ ներմուծված նախկինում օգտագործված անձնական օգտագործման ապրանքների վերաբերյալ մաքսային հայտարարագիր ներկայացնելու համար ժամկետը սահմանված է եղել մինչև 18.07.2020 թվական.

ներկայացրել ՊԵԿ, ՀՀ ոստիկանության անձնագրային և վիզաների վարչություն, ուստի գտնում եմ, որ սույն դեպքով բացակայում է մաքսային կանոնների խախտման հատկանիշները, հետևաբար մաքսային կանոնների խախտման վերաբերյալ գործի վարույթը ենթակա է կարճման:


Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի օրենսգրքի 247-րդ հոդվածով՝

Ո Ր Ո Շ Ե Ց Ի

Անահիդ Քեշիշյան նկատմամբ ՀՀ մաքսային օրենսգրքի 194-րդ հոդվածի հատկանիշներով սկսված մաքսային կանոնների խախտման վերաբերյալ գործի վարույթը՝ կարճել:

Որոշման մասին օրենքով սահմանված կարգով իրազեկել Անահիդ Քեշիշյանին:

**ԱՐԱՐԱՏՅԱՆ ՄԱՔՍԱՏՈՒՆ-
ՎԱՐՉՈՒԹՅԱՆ ՊԵՏ**



ԿԱՐԵՆ ԲԱԲԱՅԱՆ